

## I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

### OGASUN, FINANTZA ETA AURREKONTU SAILA

**19/2026 Foru Dekretua, maiatzaren 19koa, Foru Gobernu Kontseiluarena. Onespena ematea abenduaren 23ko 111/2008 Foru Dekretua eta abuztuaren 1eko 40/2014 Foru Dekretua aldatzeari**

Foru dekretu honen xedapenak bi artikulutan antolatzen dira. Lehenengo artikulua bi apartatu dauzka. Bertan 111/2008 Foru Dekretuaren 2., 3. eta 3 bis artikulua aldatzen dira, eta 3 ter artikulua gehitzen zaio (111/2008 Foru Dekretua, abenduaren 23koa, zeinaren bidez arautzen baita kontuen, eragiketen eta finantza aktiboen eta atzerrian dauden ondasun eta eskubideen berri eman beharra).

2., 3. eta 3 bis artikuluen aldaketaren berrikuntza nagusia honako hau da: artikulua horietan ezartzen denaren arabera informazioa eman behar dutenen artean sartzen dira ordainketa erakundeak eta diru elektronikoko erakundeak. Horretara behartuta dauden eremu subjektiboari dagokionez, honako hauek dira, oro har: artikulua horietan zehazten diren erakunde guztiak, zerbitzuak Espainian egiten dituztenak, are atzerrikoak ere, bai establezimenduen bitartez ari direnak, bai zerbitzuak aske emateko araubidean ari direnak (azken hauen artean, Espainian bizi diren edo egoiliarrituta dauden bezeroei buruz bakarrik).

Eremu subjektibora etorrira, 2. artikuluan arautzen den kreditu erakundeetako kontuei buruzko informazioa eman beharri dagokionez, denetariko kontuei (bankukoak zein bestelakoak) buruzko informazioa eman behar da, beraz, ordainketa kontuei buruzkoa ere bai. 3 bis artikulua, txartelen bidez egiten diren kobrantzak kudeatzeko sistemei atxikitako Espainiako enpresaburuei eta profesionalari egindako ordainketei buruzko informazioa eman beharra arautzen duena, aldatu egiten da denetariko txartelak kontuan hartzeko, bai eta sakelako telefonoen zenbakiei lotutako kobrantza sistemak ere. Gainera, kontuan edukita zein garrantzitsua eta erabilgarria den 2. eta 3 bis artikuluen arabera eman beharreko informazioa zerga bilketarako, zerga iruzurraren kontrako borrokarako eta zergadunei laguntza emateko, hemendik aurrera kontuei eta enpresaburuei eta profesionalari atxikita dauden kobrantzak kudeatzeko sistemei buruzko informazioa ez da eman beharko urtean behin. baizik eta hileroko, eta ezabatu egin da halako kobrantzen urteko 3.000,00 euro garbiko muga; kontuei dagokienez, informazio ekonomikoa urteko azken hileko aitortpenean baino ez da eman beharko.

Gainera, 3 ter artikulua gehitzen da. Bertan ezartzen da hemendik aurrera urtean zehar denetariko txartelekin egindako eragiketei buruzko informazioa eman beharko dela. Hain zuzen ere, urtean establezimenduetan txartelekin egindako ordainketen, karguen eta diru ateratzen guztirako zenbatekoen berri eman beharko da, eta horretatik kanpo geratzen dira urteko karguen eta ordainketen zenbatekoa 25.000,00 eurotik gorakoa ez den txartelak.

Beste alde batetik, edukirik gabe uzten da 40/2014 Foru Dekretuaren 123. artikuluen 5. apartatua (40/2014 Foru Dekretua, Diputatuen Kontseiluarena, abuztuaren 1ekoa, Pertsona Fisikoen Errentaren gaineko Zergaren araudia onartzen duena). 5. apartatu horretan ezartzen da urtean behin nahitaez eman behar dela Pertsona Fisikoen Errentaren gaineko Zergaren zergadunen, Sozietateen gaineko Zergaren subjektu pasiboen edo Ez-Egoiliarren Errentaren gaineko Zergaren (iraunkorra ez den establezimendua) zergadunen kontuei buruzko informazioa. Urtean behin informazio hori eman beharra ezabatzeko arrazoia hau da: ez dator bat foru dekretu honen bidez kontuei buruzko informazioa emateko aldizkakotasunean egiten den aldaketarekin: urtean behin gabe hilean behin.

Foru dekretu hau bat dator Administrazio Publikoen Administrazio Prozedura Erkidearen urriaren 1eko 39/2015 Legearen 129. artikuluan ezarritako erregulazio onaren printzipioekin. Premia printzipioari eta eraginkortasun printzipioari dagokienez, araua beharrezkoa da eguneratzeko eta aldatzeko kontuen, eragiketen eta finantza aktiboen eta atzerrian dauden ondasun eta eskubideen berri eman beharra arautzen duen dekretua. Proporzionaltasunaren printzipioarekin bat etorritik, adierazitako helburua lortzeko ezinbestekoa den arauketa biltzen du, ez baitago eskubideak guztiago murrizten dituen aukera arautzailerik. Segurtasun juridikoaren eta eraginkortasunaren printzipioen arabera, koherentea da ordenamendu juridikoarekin, eta baliabide publikoen kudeaketa eraginkorragoa ahalbidetzen du. Gardentasunaren printzipioa ere betetzen du, argi eta garbi identifikatzen baitu bere asmoa, eta, araua egiteko prozeduran zehar, hartzaile izan daitezkeen parte hartze aktiboa ahalbidetu da, entzunaldiko izapidearen eta jendaurreko informazioaren bidez.

Zerga Araudiaren Zerbitzuak arau inpaktuari buruz egindako txosten laburra aztertu da, bai eta Aholku Batzordeak egindakoa ere (horren arabera foru dekretua bat dator ordenamendu juridikoarekin).

Horregatik, bigarren diputatu nagusiorde eta Ogasun, Finantza eta Aurrekontu Saileko foru diputatuak proposatuta eta Foru Gobernu Kontseiluak gaur egindako bilkuran gaia aztertu ondoren, honako hau

#### XEDATZEN DUT

**Lehenengo artikulua.** Aldaketa: 111/2008 Foru Dekretua, abenduaren 23koa, zeinaren bidez arautzen baita kontuen, eragiketen eta finantza aktiboen eta atzerrian dauden ondasun eta eskubideen berri emateko beharra.

Honako aldaketa hauek egiten zaizkio abenduaren 23ko 111/2008 Foru Dekretuari, zeinaren bidez arautzen baita kontuen, eragiketen eta finantza aktiboen eta atzerrian dauden ondasun eta eskubideen berri emateko beharra:

Bat. 2. artikulua aldatzen da eta honela geratzen da:

#### **“2. artikulua. Kreditu erakundeetako kontuei buruzko informazioa eman beharra**

1. Kreditu erakundeek eta gainerako erakunde indarrean dagoen araudiaren arabera banku edo kreditu trafikoa jarduten badute, hilean behin aitortzen informatiboa aurkeztu behar dute Espainiako lurraldeko zein kanpoko establezimenduetan zabalik edo hirugarrenen baliagarri jarrita dauzkaten kontu guztiei buruz.

Ordainketa erakundeek eta diru elektronikoko erakundeek ere kudeatzen dituzten kontuei buruzko aitortzen informatiboa aurkeztu behar dute hileroko.

Espainiako lurraldetik kanpo dauden establezimenduetan irekitako kontuak direnean, ez da nahitaezkoa izango Espainiako lurraldean establezimendu iraunkorrik ez duten pertsona edo erakunde ez-egoiliarrei buruzko informazioa ematea.

Europar Batasuneko beste herrialde batzuetako eta hirugarren herrialdeetako kreditu erakundeek eta gainerako erakundeek Espainiako lurraldean dauzkaten sukurtsalek zabalik edo hirugarrenen baliagarri jarrita dauzkaten kontu guztiei buruzko aitortzen informatiboa aurkeztu behar dute hileroko.

Europar Batasuneko beste herrialde batzuetako eta hirugarren herrialdeetako kreditu erakundeek eta gainerako erakundeek berariazko arautegiaren arabera Espainian jarduten badute zerbitzuak aske emateko araubidean, egoitza Espainian duten pertsonen eta erakundeen alde eta egoitza Espainian ez duten pertsonen eta erakundeek Espainiako lurraldean dauzkaten establezimendu iraunkorren alde zabalik dauzkaten kontu guztiei buruzko informazioa aurkeztu behar dute hileroko.

2. Zerga administrazioari eman beharreko informazioan honako datu hauek agertu behar dira:

a) Kontuen identifikazio osoa.

b) Titularrak diren pertsonen edo erakundeen identifikazio datuak (Kapital zuriketa eta terrorismoaren finantzaketa prebenitzeko apirilaren 28ko 10/2010 Legearen 4. artikuluan aipatzen diren egiazko titularrenak barne), bai eta ordezkarienak, baimenduenak, onuradunenak eta xedatzeko ahala duten gainerako pertsona guztienak ere. Identifikazio datuak honako hauek dira: izen-abizenak edo sozietatearen izena, identifikazio fiskaleko zenbakia, egoitza dagoen herrialdea eta, pertsona fisikoen kasuan, jaioteguna. Identifikazio fiskaleko zenbakirik eduki ezean, jatorrizko herrialdean baliozkoa den pasaportearen edo nortasun agiriaren zenbakia eta identifikazio agiria egin duen herrialdea.

c) Kontuen saldoak abenduaren 31n eta urteko azken hiruhilekoko batez besteko saldoa.

d) Ekitaldiko karguen eta ordainketen guztirako zenbatekoak.

Gainera, kasuan kasuko eredia onartzen duen ministro aginduak ezartzen duen informazioa zehazteko garrantzitsuak diren gainerako datu guztiak ere eman behar dira.

Nolanahi ere, aurrean ezarritakoa gorabehera, kontuetako abenduaren 31ko saldoei, urteko azken hiruhilekoko batez besteko saldoari eta ekitaldiko karguen eta ordainketen guztirako zenbatekoei buruzko informazioa urteko azken hileko aitortpenean baino ez da eman behar.

Denetariko kontuei (bankukoak zein bestelakoak), kontu korronteei, aurrezki kontuei, eperako ezarpenei, kreditu kontuei, ordainketa kontuei eta bestelako kontu guztiei buruzko informazioa eman behar da, haien mota eta deitura gorabehera, nahiz eta ordainketarik, atxikipenik edo konturako diru sarrerarik ez egon.

Aitortzen den hilean titular izan diren pertsona edo erakunde, baimendu eta onuradun guztien izen-abizenak edo sozietatearen izena edo deitura osoa eta identifikazio fiskaleko zenbakia adierazi behar dira”

Bi. 3. artikulua aldatzen da eta honela geratzen da:

**“3. artikulua. Mailegueli eta kredituei eta eskudiru mugimendueli buruzko informazioa eman beharra**

1. Indarreko arautegiarekin bat etorritik banku edo kreditu trafikoa diharduten kreditu erakundeek eta gainerako erakundeek urteko aitortpen informatibo hauek aurkeztu behar dituzte:

a) Emandako kreditu eta maileguetatik abenduaren 31n 6.000,00 eurotik gorako saldoa eduki dutenei buruzko aitortpena; aitortpenean kreditu eta mailegu bakoitzaren titularraren izen-abizenak edo sozietate izena edo deitura osoa eta identifikazio fiskaleko zenbakia agertu behar dira.

b) Eskudirutan edo bankuko billeteetan egiten diren 3.000,00 eurotik gorako ezarpenei, funts baliatzei eta kobrantzei buruzko aitortpena, erabilitako bitarteko fisiko edo elektronikoa eta moneta (euroa zein besteren bat) gorabehera.

Aitortpen informatibo honetan ez dira sartuko foru dekretu honetako 6. artikuluan ezarritakoaren arabera Zerga Administrazioari jakinarazi beharreko eragiketak.

Aitortpenean eragiketa bakoitzaren zenbatekoa adierazi behar da eurotan, zer izan den zehaztu behar da (ezarpena, baliatzea edo kobrantza), data jarri behar da, nor egin duen argitu behar da eta kargua edo ordainketa egin den kontuaren zenbakia adierazi behar da; horiez gainera zerga eredia onartzen duen Ogasun, Finantza eta Aurrekontu Saileko diputatuaren foru aginduan ezarritako informazioa zehazten lagundu dezaketen datu guztiak eman daitezke.

Apartatu honetan aipatzen diren Europar Batasuneko beste herrialde batzuetako eta beste herrialde batzuetako erakundeek Espainiako lurraldean dauzkaten sukurtsalek a) eta b) letretako aitortpen informatiboak aurkeztu behar dituzte aurreko paragrafoetan ezartzen den bezala.

Banku edo kreditu trafikoan ari diren Europar Batasuneko beste herrialde batzuetako eta hirugarren herrialdeetako erakundeek berariazko arautegiaren arabera Espainian jarduten badute zerbitzuak aske emateko araubidean, a) eta b) letretan arautzen diren aitorten informatiboak aurkeztu behar dituzte kasu honetan: mailegu hartzailearen edo eragiketa egiten duenaren egoitza Espainiako lurraldean badago edo, egoitza Espainian eduki ezean, Espainiako lurraldean dagoen establezimendu iraunkorren bat badaukate.

2. Diru elektronikoko erakundeek eta ordainketa erakundeek ere aurreko apartatuaren b) lettran aipatzen den aitorten informatiboa aurkeztu behar dute, kudeatzen dituzten kontuetan egindako halako eragiketen berri emateko.

Gauza bera egin behar dute apartatu honetan aipatzen diren Europar Batasuneko beste herrialde batzuetako eta hirugarren herrialdeetako erakundeek Espainiako lurraldean dauzkaten sukurtsalei buruz, bai eta berariazko arautegiaren arabera Espainian zerbitzuak aske emateko araubidean diharduten Europar Batasuneko beste herrialde batzuetako erakundeek ere egoitza Espainian duten pertsonak eta erakundeek egindako eragiketei buruz eta, egoitza Espainian eduki ezean, Espainiako lurraldean establezimendu iraunkorren bat daukaten pertsonak eta erakundeek egindako eragiketei buruz.”

Hiru. 3 bis artikulua aldatzen da eta honela geratzen da:

**“3 bis artikulua. Denetarik txartelen bidez eta sakelako telefonoen zenbakiei lotutako ordainketen bidez egindako kobrantzei buruzko informazioa eman beharra**

1. Honako hauek txartelen bidezko kobrantzak eta sakelako telefonoen lotutako ordainketak kudeatzeko sistemari atxikitako enpresaburuek eta profesionalak egindako eragiketei buruzko aitorten informatiboa aurkeztu beharko dute:

a) Indarreko arautegiarekin bat etorritik, egoitza Espainian duten enpresaburuei eta profesionalak txartelen bidezko kobrantzak kudeatzeko zerbitzua (eskudirua, zordunketa, zordunketa geroratu, kreditua eta diru elektronikoa, moneta guztietan) eta sakelako telefono baten zenbaki bati lotutako ordainketak egiteko zerbitzua euskarri fisikoarekin zein birtualarekin ematen dizkieten banku erakundeek eta kreditu erakundeek eta bestelako erakundeek.

b) Egoitza Espainian duten enpresaburuei eta profesionalak salmenta terminalak instalatzen dizkieten eta kobrantza eragiketak egiten dizkieten diru elektronikoko erakundeek, ordainketa erakundeek eta bestelako erakundeek.

Halaber, aitorten informatibo hau aurkeztu behar dute Europar Batasuneko beste herrialde batzuetako eta hirugarren herrialdeetako a) eta b) letretan adierazitako erakundeek Espainiako lurraldean dauzkaten sukurtsalek, bai eta Espainian zerbitzuak aske emateko araubidean ari diren letra horietan adierazitako erakundeek ere, egoitza Espainian duten enpresaburuei eta profesionalak egindako kobrantzak kudeatzeko zerbitzuei eta salmenta terminalak instalatzeko zerbitzuei buruz.

2. Aitorpenean datu hauek agertu behar dira:

a) Txartelen bidezko kobrantzak eta sakelako telefono zenbakiei lotutako ordainketak kudeatzeko sistemari atxikitako enpresaburuen eta profesionalen identifikazio osoa.

b) Horiek sisteman aritzeko erabiltzen duten merkataritza zenbakia.

c) Salmenta terminalak, Espainiako lurraldean egon zein ez egon.

d) Hilean fakturatutako zenbatekoa, bereizketa honekin: alde batetik txartelen bidez egindako kobrantzak eta bestetik sakelako telefono zenbakiei lotutako ordainketak.

e) Kobrantzak edo ordainketak egiteko erabiltzen diren bankuko kontuen identifikazioa.

Gainera, kasuan kasuko eredia onartzen duen ministro aginduak ezartzen duen informazioa zehazteko garrantzitsuak diren gainerako datu guztiak ere eman behar dira.”

Lau. 3 ter artikulua gehitzen da; hona testua:

**“3 ter artikulua. Denetariko txarteekin egindako eragiketei buruzko informazioa eman beharra**

1. Honako hauek urtean zehar, euskarri fisikoarekin zein birtualarekin, txartelen bidez egindako denetariko eragiketei buruzko aitorten informatiboa aurkeztu behar dute (eskudirua, zordunketa, zordunketa geroratua, kreditua eta diru elektronikoa, monetan guztietan):

a) Indarreko arautegiarekin bat etorritik banku edo kreditu trafikoa diharduten kreditu erakundeak eta gainerako erakundeak.

b) Ordainketa erakundeak, diru elektronikoko erakundeak eta, oro har, aurrean aipatutako txartelak ematen dituzten erakundeak.

Aitorten informatibo hau hauek ere aurkeztu behar dute: Europar Batasuneko beste herrialde batzuetako eta hirugarren herrialdeetako erakundeak Espainiako lurraldean dauzkaten sukurtsalek, bai eta berariazko arautegiaren arabera Espainian zerbitzuak aske emateko araubidean diharduten aurreko erakunde horiek berek, egoitza Espainian duten pertsonen eta erakundeen eta egoitza Espainian ez eduki arren Espainiako lurraldean establezimendu iraunkorren bat daukaten establezimendu iraunkorrei txartela ematen dietenean.

2. Ez da eman beharko informaziorik ekitaldiko karguen guztirako zenbatekoa eta ordainketen guztirako zenbatekoa 25.000,00 eurotik beherakoak diren txartelei buruz.

3. Zerga administrazioari eman beharreko informazioan honako datu hauek agertu behar dira:

a) Erakundeak txartela emateko egindako kontratuaren zenbakia.

b) Kontratuaren titularren identifikazio datuak: izen-abizenak edo sozietatearen izena, identifikazio fiskaleko zenbakia, egoitza dagoen herrialdea eta, pertsona fisikoen kasuan, jaioteguna. Identifikazio fiskaleko zenbakirik eduki ezean, jatorrizko herrialdean baliozkoa den pasaportearen edo nortasun agiriaren zenbakia eta identifikazio agiria egin duen herrialdea.

c) Kontratuari lotutako txartelaren zenbakia (PAN).

d) Txartel mota.

e) Txartelaren titularren identifikazio datuak (aurreko b) atalean zehazten direnak), bai eta hura erabiltzeko baimena duten pertsonenak (baimenduak, onuradunak...).

f) Urtean txartelarekin egindako ordainketen kopurua eta beren guztirako zenbatekoa, eta eskudirutan egindako erreteak eta beren guztirako zenbatekoa.

g) Urtean txartelarekin egindako karguen kopurua eta beren guztirako zenbatekoa, urtean txartelarekin establezimenduetan egindako gastu eragiketen kopurua eta beren guztirako zenbatekoa, eta urtean dirua ateratzeko egindako eragiketen kopurua eta beren guztirako zenbatekoa.

h) Txartelarekin egiten diren eragiketak lotuta dauden kontuaren identifikazioa: banku kontuaren nazioarteko zenbakia (IBAN) edo bezeroaren kontu kodea.

Gainera, kasuan kasuko eredia onartzen duen ministro aginduak ezartzen duen informazioa zehazteko garrantzitsuak diren gainerako datu guztiak ere eman behar dira”

**Bigarren artikulua. Aldatzea Diputatuen Kontseiluaren abuztuaren 1eko 40/2014 Foru Dekretua** pertsona fisikoen errentaren gaineko zergaren araudia onartzen duena.

Edukirik gabe uzten da 40/2014 Foru Dekretuaren 123. artikulua 5. apartatua (40/2014 Foru Dekretua, Diputatuen Kontseiluarena, abuztuaren 1ekoa, pertsona fisikoen errentaren gaineko zergaren araudia onartzen duena).

**AZKEN XEDAPEN BAKARRA**

Foru dekretu hau ALHAOn argitaratu ondorengo egunean sartuko da indarrean.

Nolanahi ere, 2026ko aitorten informatiboei aplikatuko zaie lehenengoz, ereduak onartzen dituen foru aginduan ezartzen denari jarraikiz.

Vitoria-Gasteiz, 2026ko maiatzaren 19a

*Diputatu nagusia*

**RAMIRO GONZÁLEZ VICENTE**

*Bigarren diputatu nagusiorde eta Ogasun, Finantza eta Aurrekontu Saileko foru diputatua*

**ITZIAR GONZALO DE ZUAZO**

*Ogasun zuzendaria*

**MARÍA JOSÉ PEREA URTEAGA**